

“Навоийуран” ДКнинг
2024 йил “___” ____ даги
“___”-сон буйруғига
“___”-илова

**“Навоийуран” Давлат корхонаси алоқа каналлари орқали коррупциявий
хатти-харакатлар тўғрисида келиб тушган хабарларни
қабул қилиш ва кўриб чиқиш
РЕГЛАМЕНТИ**

I-боб. Умумий қоидалар

1. Мазкур Регламент “Навоийуран” Давлат корхонаси (кейинги ўринларда – Корхона деб юритилади)да коррупцияга қарши курашиш, манфаатлар тўқнашувини аниқлаш ва тегишли таъсир чораларини кўришга қаратилган чора-тадбирларнинг самарадорлигини ошириш мақсадида ишлаб чиқилган.

2. Мазкур Регламент корхонадаги алоқа каналлари орқали коррупциявий хатти-харакатлар ҳақида келиб тушган хабарлар билан ишлашнинг асосий тамойиллари, шунингдек, хабарларни қабул қилиш, уларни рўйхатдан ўтказиш ва кўриб чиқиш, шунингдек, бош директорга ҳисобот тақдим этиш тартибини белгилайди.

3. Мазкур Регламент мақсадларида қўйидаги асосий тушунчалардан фойдаланилади:

ишонч телефони – корхонака телефон орқали келиб тушадиган мурожаатларни марказлашган ҳолда қабул қилиш, таснифлаш ва тизимлаштириш, шунингдек, ўз вақтида ва сифатли кўриб чиқилишини мониторинг қилиш имконини берувчи тизим;

мурожаатчи – алоқа каналлари орқали корхонадаги коррупциявий хатти-харакатлар тўғрисида ахборот бериш учун мурожаат қилган ҳар қандай жисмоний ва (ёки) юридик шахс, ходим;

манфаатлар тўқнашуви – шахсий (бевосита ёки билвосита) манфаатдорлик шахснинг мансаб ёки хизмат мажбуриятларини лозим даражада бажаришига таъсир кўрсатаётган ёхуд таъсир кўрсатиши мумкин бўлган ҳамда шахсий манфаатдорлик билан фуқароларнинг, ташкилотларнинг, корхонанинг ёки давлатнинг ҳукуқлари ва қонуний манфаатлари ўртасида қарама-қаршилик юзага келаётган ёки юзага келиши мумкин бўлган вазият;

коррупция – шахснинг ўз мансаб ёки хизмат мавқеидан шахсий манфаатларини ёхуд ўзга шахсларнинг манфаатларини кўзлаб моддий ёки номоддий наф олиш мақсадида қонунга хилоф равища фойдаланиши, худди шунингдек, бундай нафни қонунга хилоф равища тақдим этиш;

коррупциявий ҳаракатлар – ходим томонидан бевосита ёки билвосита шахсан ёки учинчи шахслар орқали пора берувчи манфаатлари йўлида ҳаракат ёки ҳаракатсизлик учун моддий манфаатдор бўлиши, шу жумладан, пул, қимматбаҳо қофоз, бошқа қўринишдаги мулк ва мулкий ҳукуқлар, мулкий

ҳарактердаги хизматлар олиш, талаб қилиш, ундириш, таклиф қилиш ёки бериш, пора бериш ва/ёки олиш ёки бунда воситачилик қилишда, расмиятчиликларни соддалаштириш учун тўловлар ундириш (пора олиш) ва бошқа ноқонуний мақсадларда ўз хизмат вазифаларидан ноқонуний фойдаланиш;

коррупцияга оид ҳуқуқбузарлик – коррупция аломатларига эга бўлган, содир этилганлиги учун қонунчиликда жавобгарлик назарда тутилган қилмиш;

коррупцияга қарши курашиш тизими – амалдаги қонунчилик ва ички хужжатларни коррупциявий жиҳатдан бузилишини бартараф этиш, ташкилот ходимлари томонидан юқори даражада касбий ва ахлоқий фаолият олиб боришларини таъминлаш бўйича чора-тадбирлар мажмуи;

коррупциявий хавф-хатар – ходимлар ёки учинчи шахслар томонидан корхона номидан ва (ёки) уларнинг манфаатларини кўзлаб коррупциявий ҳаракатларни содир этиш хавфи;

таалуқли хабар – корхонадаги коррупциявий ҳаракатлар ва (ёки) манфаатлар тўқнашуви ҳақидаги ахборотдан иборат бўлган хабар;

ходим – корхона билан меҳнат муносабатларига киришган шахс;

ходимнинг шахсий манфаатдорлиги – ходим томонидан ўз хизмат вазифаларини бажариши чоғида ўзи ёки учинчи шахсларнинг манфаатлари йўлида ходимнинг мансаб ёки хизмат мажбуриятларини лозим даражада бажаришига таъсир қилиши мумкин бўлган пул маблағлари, моддий ёки номоддий бойликлар, бошқа мол-мулк ва имтиёзлар кўринишида шахсий наф олиш имконияти (шахсий, ижтимоий, молиявий, сиёсий ва бошқа тижорий ёки нотижорий манфаатлари).

4. Корхона коррупциявий ҳаракатлар ҳақида ахборот беришга мўлжалланган алоқа каналларининг ишини қуидаги тамойиллар асосида ташкил этади:

Махфийлик (конфеденциаллик) ва хавфсизлик – алоқа каналларидағи хабарлардан фойдаланишга рухsat берилган корхонанинг барча ваколатли шахслари ушбу хабарларни ваколатга эга бўлмаган шахсларга бериш (ошкор қилиш)га ҳаққи йўқ. Агар мурожаатчи ўз хабарини юборганлиги ҳақида бошқа ходимларга ёки учинчи шахсларга ўз хоҳишига кўра, жумладан, эҳтиётсизлиги натижасида ошкор қилган бўлса, корхона унинг ошкор бўлишига жавобгар бўлмайди;

қонунийлик – корхона алоқа каналларига келиб тушадиган хабарларни қабул қилиш, рўйхатга олиш, қайта ишлаш ва қўриб чиқиш қатъий равища Ўзбекистон Республикаси қонунчилиги талаблари ва ушбу Регламентга мувофик амалга оширилади;

мурожаатчининг таъқиб қилинмаслиги – алоқа каналлари орқали коррупциявий ҳаракатлар ҳақида ўз хоҳишига кўра хабар берган жисмоний ва юридик шахс, хусусан корхона ходими хабарнинг мазмунидан қатъи назар бирон-бир жавобгарликка тортилмайди;

мурожаатчи билан мажбурий тартибдаги қайта алоқа – агар хабар аноним бўлмаса, уни қўриб чиқиш натижалари корхона томонидан мурожаатчига етказилиши лозим;

таъсир чораларини қўллашнинг мажбурийлиги – коррупция факти тасдиқланган тақдирда, ташкилот айбдор шахсларни жавобгарликка тортиш учун Ўзбекистон Республикаси қонунчилигига мувофиқ ҳаракат қиласди.

II-боб. Коррупцияга оид ҳаракатлар ҳақида ахборот бериш учун алоқа каналлари

5. Корхонада коррупцияга оид хабарлар қўйидаги алоқа каналлари орқали маълум қилиш мумкин:

- бевосита бош директорига;
- Ишонч телефон орқали -79-507-00-55;
- электрон почта орқали navoiyuran@murojaatcom.uz;
- фейсбуқдаги саҳифа орқали <https://www.facebook.com/navoiyuranc.com.uz>;
- поча орқали - 210100, Навоий ш., Инспекторлар қўчаси, 7 уй;
- тўғридан-тўғри комплаенс назорат бўлимига (тел.: 79-507-01-50);
- корхонанинг Одоб-ахлоқ комиссияси раисига;
- мазкур Регламентда кўрсатилмаган бошқа алоқа каналлари орқали.

6. Корхона алоқа каналлари тўғрисидаги ахборотни расмий веб-сайт, ижтимоий тармоқдаги саҳифа ва каналларига жойлаштиради, шунингдек, ходимларга даврий равишда юбориладиган электрон хатлар тарқатмаларига ва ўкув материалларига киритади, горхона биносида жойлаштириладиган тематик плакатлар ва ҳоказоларда акс эттиради.

III-боб. Алоқа каналлари орқали келиб тушаётган таалуқли хабарларни қабул қилиш

7. Корхонанинг коррупцияга қарши комплаенс назорат бўлими (кейинги ўринларда – комплаенс назорат бўлими) корхонанинг алоқа каналларидан келиб тушган таалуқли хабарларни кўриб чиқишига масъул ҳисобланади.

8. Корхонанинг қўйидаги алоқа каналларидан келиб тушган таалуқли хабарлар Вазирлар Маҳкамасининг 2018 йил 7 майдаги 341-сон қарори билан тасдиқланган давлат органларида, давлат муассасаларида ва давлат иштирокидаги ташкилотларда жисмоний ва юридик шахсларнинг мурожаатлари билан ишлаш тартиби тўғрисидаги намунавий низом ва корхонанинг жисмоний ва юридик шахсларнинг мурожаатлари билан ишлаш тартиби тўғрисидаги низом талабларида назарда тутилган тартибда рўйхатга олинади ва резолюция учун бош директорга чиқарилади:

Ўзбекистон Республикаси Президентининг виртуал қабулхонаси орқали;

Корхонанинг расмий веб-сайти (<https://www.navoiyuranc.com.uz>) ёки электрон почтаси орқали (navoiyuran@murojaatcom.uz);

Корхонанинг телефон рақамлари орқали (5-бандда кўрсатилган ишонч ва бошқа иш телефон рақамлари орқали);

корхонага оғзаки (шахсан) мурожаат қилиш;

хукуқни муҳофаза қилувчи органлар орқали.

9. Корхонанинг ижтимоий тармоқлардаги расмий канал ва саҳифалари ва телеграмм боти орқали келиб тушадиган хабарларни қабул қилиш учун Мурожаатлар бўлими масъул ходими тайинланади.

Бунда, таалуқли хабар келиб тушганда мурожаатлар бўлими масъул ходими мурожаатчи билан электрон ёзиши билан ёки телефон орқали боғланиб зарур ахборотни аниқлаштиради, хабарни реестрда рўйхатга олади ва маълумотни бош директорга киритади.

Мурожаатлар бўлими масъул ходими келиб тушадиган хабарларни душанбадан жумагача соат 08:00 дан 17:00 га қадар таҳлил қиласди. Агар хабар иш вақтидан ташқари пайтда келиб тушса, бу хабар навбатдаги иш кунида аниқлаштириш учун сақланади.

10. Агар мурожаатчи ўз хабарини тасдиқлаш учун қўшимча материалларга, масалан, фотоматериаллар, хужжатлар, аудио ва видеоёзувларга эга бўлса, мурожаатни қабул қилишга масъул ходим уларни тақдим этиш бўйича фойдаланиладиган алоқа каналларини (телеграмм боти ёки электрон почтаси)ни кўрсатади ва тақдим этиладиган маълумотни махфийлиги (конфиденциаллиги)ни билдиради. Мазкур маълумотлар таалуқли хабарга илова сифатида расмийлаштирилади.

11. Бош директор таалуқли хабарни тезкорлик билан таҳлил қилиш ва кўриб чиқиш учун корхонанинг комплаенс назорат бўлимига топшириқ туширади.

12. Корхонанинг комплаенс назорат бўлими таалуқли хабарни олгандан кейин 3 (уч) соат ичida уни иловага мувофиқ шаклда корхонада коррупцияга оид харакатлар ҳақидаги хабарларни қабул қилиш реестрида (кейинги ўринларда – Реестр) рўйхатга олиши ва ушбу Регламентнинг 4-бобига мувофиқ кўриб чиқиши лозим.

13. Корхона мурожаатчиларга ходим томонидан содир этилган коррупциявий харакатлар тўғрисида аноним хабарлар қолдириш имкониятини беради.

Аноним хабар келиб тушган тақдирда корхонанинг маъсул ходими, имкон мавжуд бўлган тақдирда, қўйидагиларни амалга ошириши лозим:

Корхонага келиб тушган хабарга жавоб бериш учун мурожаатчи билан боғлана олмасликлари мумкинлиги ҳақида маълум қилиши;

кўшимча зарур маълумот олиш имконияти бўлмаган тақдирда хабарни тўлиқ ва ҳар томонлама ўргана олмасликларини билдириши;

мурожаатчига у билан боғланиш учун аноним алоқа канали ташкил қилишни таклиф қиласди (шахс кўрсатилмаган электрон почта манзили, телеграммдаги махфий чат ва.б.).

Мурожаатчи ўз аризасидан воз кечмаган тақдирда, мазкур Регламентда назарда тутилган тартибда хабарни қабул қилиши шарт.

13. Корхона ходимлари томонидан олинган хабарларни кўриб чиқиш жараёнида коррупциявий хуқуқбузарликларни содир этишининг сабаб ва шароитлари ҳам таҳлил қилинади ва келгусида уларнинг олдини олиш ҳамда коррупцияга қарши курашиб тизимини такомиллаштириш бўйича тадбирлар амалга оширилади.

14. Олинган хабарлар бўйича барча таалуқли материаллар, хужжатлар ва маълумотлар (шу жумладан, қабул қилинган қарорлар ва мурожаатчиларга юборилган жавоблар) мурожаатлар билан ишлаш тузилмасида Ўзбекистон Республикаси қонунчилигида белгиланган муддатга, шу билан бирга 5 йилдан кам бўлмаган муддатга сақланиши керак.

15. Таалуқли хабар корхонанинг таркибий бўлинмаларига келиб тушган тақдирда, уни қабул қилган масъул ходимлар зудлик билан ёзма шаклда худудий (таркибий) бўлинма раҳбари ва коррупцияга қарши курашиш бўйича масъулни (мавжуд бўлса) келиб тушган хабар тўғрисида хабардор қиласи, улар ўз навбатида ушбу хабарни корхонанинг комплаенс назорат бўлимiga юборади, комплаенс назорат бўлими олинган хабарни IV-бобида баён этилган тартибга мувофиқ кўриб чиқади.

16. Корхонанинг тизим ости корхоналари ва таркибий бўлинмалари ўзларининг Реестрини юритади.

IV-боб. Коррупциявий ҳаракатлар ҳақидаги хабарларни кўриб чиқиши

17. Комплаенс назорат бўлимiga келиб тушган барча таалуқли хабарлар ушбу тузilmанинг масъул ходимлари ёки бош директор топшириғига асосан бошқа бўлинмалар томонидан кўриб чиқилади.

18. Коррупциявий ҳаракатлари тўғрисидаги хабарларни кўриб чиқиши жараёнига, ҳаракатлари устидан таалуқли хабар келиб тушган ёки кўриб чиқиши жараёнида манфаатлар тўқнашуви юзага келиши мумкин бўлган ходимларни жалб қилиш ман этилади.

19. Таалуқли хабар келиб тушганда комплаенс назорат бўлими ходими дастлабки текшириш ўтказиб, унинг таалуқлилигини таҳлил қиласи, яъни хабарда кўрсатилган маълумотнинг корхона тизимига таалуқли коррупцияга оид ҳуқуқбузарликка ёки манфаатлар тўқнашувига тегишслигини текширади.

Дастлабки текшириш таалуқли хабар комплаенс назорат бўлимiga келиб тушган кундан бошлаб 5 (беш) иш куни ичида амалга оширилади.

20. Мазкур Регламентнинг 19-бандида назарда тутилган дастлабки текшириш натижаларидан қатъи назар, бу ҳақидаги ахборот Реестрга киритилади.

21. Агар комплаенс назорат бўлими ходими хабар таалуқли эмас деган хulosага келса, бу хабар бир иш куни ичида корхонанинг таркибий бўлинмасига билдирги асосида ўтказилиши лозим.

22. Агар хабарда коррупциявий ҳаракатлар ёки манфаатлар тўқнашуви ҳақида маълумот ҳамда хизмат текширувани ўтказиш учун етарли асослар мавжуд бўлса, комплаенс назорат бўлими ходими ички идоравий хужжатда белгиланган тартибда хизмат текширувани ўтказиш ташабbusи билан чиқади.

23. Таалуқли хабарларни мазмунан кўриб чиқиши корхонака келиб тушган кундан эътиборан бир ой ичида, текшириш ўтказиш, қўшимча материалларни сўраб олиш ёхуд бошқа чора-тадбирлар кўриш зарур бўлган ҳолларда, уларни кўриб чиқиши муддатлари, бош директор томонидан истисно тариқасида узоғи билан бир ойга узайтирилиши мумкин, бу ҳақда мурожаат этувчига (аноним мурожаатлардан ташқари) хабар қилинади.

24. Мурожаатга жавоб комплаенс назорат бўлими томонидан тайёрланиб, бош директор ёки унинг ўринбосари имзоси билан расмийлаштирилади.

25. Таалуқли хабарларни кўриб чиқиш якунларига кўра ўрганиш натижалари ва қўлланилган таъсир чоралари қўрсатилган жавоб хати тайёрланади ва белгиланган тартибда мурожаатчига юборилади.

26. Ижтимоий тармоқдаги канал ва саҳифалар ва телеграм-бот орқали келиб тушган таалуқли хабарга жавоб мурожаатчига электрон шаклда ижтимоий тармоқдаги канал ва саҳифалар ёки телеграмм-бот орқали юборилади.

V-боб. Ҳисобдорлик

27. Реестрдан комплаенс назорат бўлими ходимлари, хабарларни кўриб чиқишида иштирок этган тегишли бошқа корхонанинг ходимлари (факат йўналишига доир хабарлар), бош директор ёки коррупцияга қарши курашиш бўлими фойдаланиши мумкин.

28. Реестр маълумотлари асосида комплаенс назорат бўлими ҳар чоракда бош директорга қабул қилинган коррупциявий харакатлар тўғрисидаги хабарларга таалуқли бўлган ҳисоботни тақдим этади ва унда қуйидагилар қўрсатилади:

келиб тушган таалуқли хабарлар ва кўриб чиқилган таалуқли хабарлар сони;
коррупциявий харакатлар, манфаатлар тўқнашуви ҳолатлари тасдиқланган таалуқли хабарлар сони;

кўриб чиқиш муддатлари бузилган таалуқли хабарлар сони;

таалуқли хабарларни кўриб чиқишининг ўртacha муддати;

мурожаатчилар томонидан энг кўп фойдаланиладиган алоқа каналлари ва бошқа статистик маълумотлар.

VI-боб. Якуний қоидалар

29. Мазкур Регламент талабларини бузиш белгиланган тартибда жавобгарликка сабаб бўлади.

30. Мазкур Регламент мурожаатлар ва коррупцияга қарши курашиш соҳасида Ўзбекистон Республикасининг қонунчилиги ўзгарганда қайта кўриб чиқилиши лозим.

*Давлат корхонаси ва таркибий
бўлинмаларига алоқа каналлари орқали
коррупциявий хатти-ҳаракатлар тўғрисида
келиб тушиган
хабарларни қабул қилиши ва кўриб чиқиши
Регламентига Илова*

**Давлат корхонасида коррупцияга оид ҳаракатлар ҳақидаги хабарларни қабул қилиш
РЕЕСТРИ**

: .	Т/р
Хабар келиб тушиган сана	Хабарнинг тоифаси (коррупциявий хатти-ҳаракат, манфатлар
Худуд	Мурожаатлар билан ишлани тизимида рўйхатга олинган сана ва раками
	Хабар юборилган алоқа канали
	Мурожаатчи маълумотлари (жисмоний ёки юридик шахс, кайта алоқа маълумотлари)
	Хабарнинг кискача мазмуни
	Хабар таалуқли бўлган тузилма
	Кўриб чиқиши натижалари каноатлантирилди / тушунтириш берилди/ кўрмасдан колдирини
	Мурожаатчига жавоб юборилган сана ва хат раками
	Ижрочи
	Хабарни кўриб чиқсан тузилма раҳбари
	Изоҳ